



TOSHKENT DAVLAT YURIDIK UNIVERSITETI REKTORINING B U Y R U G ' I

26.08.2024

149-um-son

Toshkent davlat yuridik universiteti talabalari uchun “New mentorship yozgi lageri” loyihasini tashkil etish to‘g‘risida

O‘zbekiston Respublikasi Prezidenti rahbarligida 2023-yil 11-aprel kuni “Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari yuzasidan o‘tkazilgan videoselektor yig‘ilishida berilgan 18-son topshiriqlar bayoni, O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi PF–5987-son Farmonida belgilangan vazifalar ijrosini ta’minlash, Toshkent davlat yuridik universiteti iqtidorli hamda ijtimoiy himoyaga muhtoj oila farzandi bo‘lgan talabalarga qo‘shimcha imkoniyatlar va shart-sharoitlar yaratish, faolliklarini qo‘llab-quvvatlash, talabalarning bilim va mahoratlarini oshirish oqrali ularda daxldorlik hamda jamoada ishlash ko‘nikmalarini shakllantirish maqsadida

B U Y U R A M A N:

1. Toshkent davlat yuridik universiteti (bundan buyon matnda – TDYU) Talabalar Assotsiatsiyasi vakillari hamda “Mentorship” loyihasi mentorlarining “New mentorship” yozgi lagerini tashkil etish bo‘yicha bildirgan taklifiga rozilik berilsin.

2. “New mentorship” yozgi lageri “Huquqshunos yoshlar yangi O‘zbekiston bunyodkorlari” shioiri ostida 2024-yil 27-29-avgust kunlari Toshkent viloyati, Bo‘stonliq tumanidagi “Yoshlar oromgohi”da o‘tkazilishi belgilansin.

3. “New mentorship” yozgi lagerini tashkil etish uchun “Yoshlar oromgohi”dan 60 o‘rinli joy band qilinsin va oromgoh xarajatlari universitet tomonidan qoplansin.

4. Ma’naviyat va ma’rifat markazi (Sh.Po‘lotov):

Talabalar assosiatsiyasi bilan birgalikda “New mentorship” yozgi lageri loyihasi doirasida talabalarning o‘zini-o‘zini boshqarish tizimini joriy etish, talabalar boshqaruv tizimini shakllantirish hamda ijtimoiy faolliklarini oshirishga qaratilgan loyihalarni qamrab olgan dasturni tayyorlash choralarini ko‘rsin;

loyihani belgilangan dastur asosida hamda universitetda talabalarni o'zini-o'zi boshqarish tizimini joriy etishga xizmat qilishiga e'tibor qaratgan holda tashkil etsin;

fakultet dekanlari bilan birgalikda "New mentorship" yozgi lageri loyihasida ishtirok etadigan talabalar bilan belgilangan joylarga o'z vaqtida kelish, oromgohda belgilangan tartib qoidalarga rioya qilish, texnika xavfsizligi qoidalariga rioya qilish, biriktirilgan mas'ullarning ko'rsatmalarini bajarish hamda loyihada tartibli va intizomli tarzda ishtirok etish bo'yicha tushuntirish ishlarini olib borsin;

oromgoh dasturidan joy olgan loyiha, tanlov, mahorat darslari va musobaqalarni yuqori saviyada tashkil etilishi, ularda barcha ishtirokchi talabalarni to'liq qamrab olinishini nazoratga olsin;

mas'ullardan iborat navbatchilik jadvalini shakllantirib, ularni oromgohda talabalar bilan birgalikda harakatlanishi yuzasidan tushuntirish ishlarini olib borsin;

"New mentorship" yozgi lageri loyihasi davomida talabalarni bilimlarini, intellektual salohiyatini oshirish hamda ularni sog'lomlashtirishga alohida e'tibor qaratsin;

"New mentorship" yozgi lageri dasturidan joy olgan loyihalar, mahorat darslari hamda uchrashuvlarga ishtirok etish bo'yicha mutasaddi tashkilot vakillari bilan yaqindan hamkorlik qilish choralarini ko'rsin.

5. Prorektor (A.Iminov):

"New mentorship" yozgi lageri loyihasini imtiyozli tashkil etish uchun O'zbekiston yoshlar ittifoqi hamda Yoshlar ishlari agentligi bilan yaqindan hamkorlik qilsin;

oromgoh xarajatlarini universitet hisobidan to'lab berish bo'yicha "Yoshlar oromgohi" MCHJ bilan shartnoma imzolash hamda belgilangan mablag'larni o'z vaqtida to'lab berish choralarini ko'rsin;

ishtirokchilarni Yoshlar oromgohiga olib borish, ularni Toshkent shahriga qaytarib olib kelish uchun xizmat ko'rsatuvchi tashkilotlar bilan shartnoma imzolash va tashuvlarni tashkil etish choralarini ko'rsin;

"New mentorship" yozgi lagerini tashkil etishga mas'ul etib belgilangan xodimlarni hamda lager dasturidan joy olgan mahorat darslari va uchrashuvlarga taklif etiladigan mehmonlarni oromgohga borib-kelishlari uchun universitet xizmat mashinalarini ajratish choralarini ko'rsin.

6. Buxgalteriya (M.Parpiyev) "New mentorship" yozgi lageri loyihasini tashkil etish bilan bog'liq xarajatlarni universitetning budjet va budjetdan tashqari mablag'lari hisobidan qoplash choralarini ko'rsin.

7. Mazkur buyruq ijrosi nazoratini o'z zimmasida qoldiraman.

**Ilmiy ishlar va innovatsiyalar
bo'yicha prorektor**



B.XODJAYEV

Toshkent shahar

Kiritildi:

Direktor

SH.PO‘LOTOV



Kelishildi:

Katta yuriskonsult

A.TURSUNOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Bo‘lim boshlig‘i

S.MAMANAZAROV

